

---

## Давлат харидларини амалга оширишда харид қилиш тартиб-таомилларининг ўзига хос хусусиятлари

“Давлат харидлари тўғрисида”ги Ўзбекистон Республикаси қонунини давлат харидлари очиқлигини ва шаффофлигини ҳамда бу соҳада тадбиркорларнинг рақобат курашувини таъминлайди, давлат бюджети, марказлаштирилган манбалар ва давлат улушига эга бўлган корхоналар маблағларидан самарали фойдаланишга имкон яратган.

Қонун қабул қилинишидан аввал мазкур соҳа 30 дан ортиқ норматив-ҳуқуқий ҳужжатлар билан тартибга солинган, бунда давлат харидларининг яхлит тизими мавжуд бўлмаган, бунинг натижасида ҳуқуқий коллизиялар вужудга келган. Кўп босқичли келишишлар ва такрорловчи тартиб-таомиллар коррупсияга шароит яратган ва кўп вақт йўқотишга сабаб бўлган.

Давлат харидлари амалга ошириш билан боғлиқ ҳаракатлар мажмуи харид қилиш тартиб-таомиллари ҳисобланади. Харид қилиш тартиб-таомилларини амалга ошириш турлари қуйидагилардан иборат:

- электрон дўкон;
- бошланғич нархни пасайтириш учун ўтказиладиган аукцион;
- энг яхши таклифларни танлаш;
- тендер;
- тўғридан тўғри шартномалар бўйича амалга ошириладиган давлат харидлари;
- Ўзбекистон Республикаси Президентининг фармонлари ва қарорлари, Ўзбекистон Республикаси Вазирлар Маҳкамасининг қарорлари билан рухсат этилган харидларнинг бошқа рақобатли турлари.

Харид қилиш тартиб-таомилларини амалга ошириш турлари бир-бирига ўхшаш ва ўзига хос-хусусиятлари мавжуд. Хусусан, **давлат хариди амалга ошириш шакли бўйича:**

- электрон дўкон, бошланғич нархни пасайтириш учун ўтказиладиган аукцион воситасидаги, тендер воситасидаги ва энг яхши таклифларни танлаш воситасидаги давлат хариди электрон шаклда ўтказилади;
- тўғридан-тўғри шартномалар бўйича давлат харидлари шартнома тузиш орқали амалга оширилади.

### **Объекти бўйича:**

- Бошланғич нархни пасайтириш учун ўтказиладиган аукцион воситасидаги давлат харидида хизматлар ва ишларнинг давлат хариди аукцион объекти бўла олмайди;

- электрон дўкон орқали давлат харидида бир шартнома бўйича базавий ҳисоблаш миқдорининг ~~йигирма беш минг бараваригача~~ (бюджет буюртмачилари учун базавий ҳисоблаш миқдорининг <sup>1/3</sup> икки минг беш юз бараваригача) қийматдаги товарларнинг давлат харидлари амалга оширилиши мумкин. Бунда электрон дўкон орқали бюджет буюртмачиси томонидан айна бир турдаги

---

товарларнинг давлат хариди бир молия йили давомида базавий ҳисоблаш миқдорининг ўн минг бараваригача амалга оширилиши мумкин;

- бир шартнома бўйича базавий ҳисоблаш миқдорининг юз бараваригача (бюджет буюртмачилари учун базавий ҳисоблаш миқдорининг эллик бараваригача) қийматдаги ишларнинг, хизматларнинг давлат харидлари амалга оширилиши мумкин. Бунда электрон дўкон орқали бюджет буюртмачиси томонидан айтилган бир турдаги ишларнинг, хизматларнинг давлат хариди бир молия йили давомида базавий ҳисоблаш миқдорининг беш юз бараваригача (корпоратив буюртмачилар учун базавий ҳисоблаш миқдорининг бир минг бараваригача) амалга оширилиши мумкин.

- Бошланғич нархни пасайтириш учун ўтказиладиган аукцион воситасидаги давлат хариди товарнинг қиймати бир шартнома бўйича базавий ҳисоблаш миқдорининг йигирма беш минг бараваригача (бюджет буюртмачилари учун олти минг бараваригача) бўлган миқдори ташкил этиши керак.

- Энг яхши таклифларни танлаш воситасидаги давлат харидида товарнинг (ишнинг, хизматнинг) қиймати бир шартнома бўйича базавий ҳисоблаш миқдорининг йигирма беш минг бараваригача (бюджет буюртмачилари учун олти минг бараваригача) бўлган миқдори ташкил этади.

- Тендер воситасидаги давлат харидида товарларнинг (ишларнинг, хизматларнинг) қиймати бир шартнома бўйича базавий ҳисоблаш миқдорининг йигирма беш минг бараваридан ортиқ (бюджет буюртмачилари учун базавий ҳисоблаш миқдорининг олти минг бараваридан ортиқ) миқдори ташкил этади.

Тўғридан-тўғри шартномалар бўйича давлат харидлари қуйидаги ҳолларда амалга оширилиши мумкин:

- Ягона етказиб берувчилар реестрига киритилган ягона етказиб берувчи билан давлат харидини амалга ошириш учун рухсат этилган товарларнинг (ишларнинг, хизматларнинг) давлат хариди;

- Ўзбекистон Республикаси Президентининг фармонлари ва қарорлари, Ўзбекистон Республикаси Вазирлар Маҳкамасининг қарорлари асосида тўғридан тўғри шартномалар бўйича амалга ошириладиган товарнинг (ишнинг, хизматнинг) давлат хариди;

- фавқулодда ҳолатларни бартараф этиш мақсадида Ўзбекистон Республикасининг эҳтиёжларини таъминлаш учун зарур бўлган товарларнинг (ишларнинг, хизматларнинг) давлат хариди;

- суд муҳокамасида иштирок этиш учун адвокатни (вакилни) тайинлаш билан боғлиқ бўлган давлат хариди;

- илм-фан, адабиёт ва санъат асарлари, ижролар, фонограммалар, эфир ёки кабел орқали кўрсатув ёхуд эшиттириш берувчи ташкилотларнинг кўрсатувлари ёки эшиттиришлари каби интеллектуал фаолият натижаларининг мазкур интеллектуал мулк объектларига нисбатан мутлақ ҳуқуққа эга бўлган ягона шахсдан давлат хариди;

- нархи (тарифи) давлат томонидан тартибга солинадиган товарларнинг (ишларнинг, хизматларнинг) давлат хариди.

---

Қонун чиқарувчи беижга давлат харидлари турларга бўлмаган. Давлат харидлари турлари бозор иқтисодиёти талабларига асосан эҳтиёжларни қаноатлантиришни рақобатли шаклларига асосланган. Мазкур талабларга риоя қилмаслик қонунчиликда белгиланган тартибда жавобгарликка сабаб бўлади. Хусусан, Ўзбекистон Республикаси Маъмурий жавобгарлик тўғрисидаги кодекснинг 178<sup>5</sup>-моддасининг учинчи қисмида товарларни, ишларни ва хизматларни етказиб берувчиларни тендер ўтказиш йўли билан аниқлаш талабларини бузиш, шунингдек давлат харидлари тўғрисидаги қонунчиликка мувофиқ товарларни етказиб берувчини, иш бажарувчини ва хизмат кўрсатувчини рақобатли харид усули воситасида аниқлаш белгиланган ҳолларда, давлат харидларини ягона етказиб берувчидан ёки тўғридан тўғри шартномалар асосида амалга ошириш тўғрисида қарор қабул қилиш мансабдор шахсларга базавий ҳисоблаш миқдорининг ўн беш бараваридан йигирма бараваригача миқдорда жарима солишга сабаб бўлади.

Хулоса ўрнида шуни айтиш мумкинки, давлат харидларининг турлари давлат буюртмачиси ўз эҳтиёжларини режалаштирган ҳолда тўғри танлаши лозим.

**Абдуманнон Турдиалиев**

**Ўзбекистон тумани адлия бўлими юридик хизмат кўрсатиш маркази бош  
юрисконсулти**

2022-10-18 10:15:37